

2 Kolin

Pâlaŋ Kolin dapmelaŋge ekŋengat zapat meluwaŋ sekŋen ewe kumindaye

Zapat meluwaŋ kapi Pâlaŋnegak kuye. Kan keyet Kolin dapmelaŋge ekŋengat tuŋguwinangatnaŋ an notnaŋaŋ Pâlmak atindândâ msâgât set notnaŋ aikti egat keŋaŋ walalatgalen zet notnaŋ kapigok zewien: Pâlaŋ Kawawaŋgalen zet timti zempalakŋaŋ bembe an gwalak dâsuki manzein enenogat egaŋ eweŋaŋ Zisasimak ku maŋge. Tuŋgupmanen piwandesetgatnan koti zet kileŋ tazemulaloŋ mezin. Zet notnaŋ ikŋaŋgat mulupmaŋ mamneset bemzemti keyet zetnaŋ omba penaŋ zapat meluwaŋ kapiyet kumindaye. Pâlaŋ dapmelaŋge ekŋenaŋ milawat notnaŋ akumbewien ke ondekbeme delaŋ zeme timti kokogat an zut ombemideme met indamukulem mindeme bukŋen ombanik akumbemtingut timti kot am Zuda msalen meuyet kambaŋ tapbien ekŋen indamukulem mimiyet zemgwatnaŋ zet notnaŋ diindoye. Egaŋ ekŋenmagen ewe gilik zemet indikdigat nâmti zapat meluwaŋ kapi kuye.

Zet ŋotekŋaŋ temaŋ kapigogaŋ 2 Kolin kapiyet keŋaŋ talip:

1:1-11 Zet yaŋbemti zenzeyelen zet.

1:12-7:16 Pâlaŋ Kolin dapmelaŋge ekŋenmak zet weyeyaŋgalen notnaŋ zenzeŋaŋ.

8:1-9:15 Zuda amgat milawat om aku aku mulup mimiylengat zemgwatnaŋ zet notnaŋ zeye.

10:1-13:10 Pâlaŋ ikŋaŋgat mulupmaŋgat yaŋaŋ bandim mti zet zenzeŋaŋ.

13:11-13 Zet zemdelaŋ zenzeyelen zet.

Zet yaŋbemzenzeyelen zet

¹ Neŋ Zisas Kilais ikŋaŋgalen ombeminden- denaŋ mamayet Kawawaŋaŋ ikŋaŋ nâmdelaŋ zemi neme mamti mulupmaŋ kapi mamiyap. Âpme neŋmak Timoti nâmkŋpepeen notn ekmak nit Kawawaŋgalen am maŋge nâmkŋpepenimak Akaia msalen mka katan tapmelip ingat temakwep papia pigok kumti bemalu mkaŋin ŋotakŋan Kolin ke kozin. ² Kawawaŋ Bipm ma Amobotnaŋ Zisas Kilais egaŋ keŋ taolet mimindeme ingat tuŋguwinan keŋ sewakŋaŋ wemti weweyet nâmti dunduyap.

Pâlaŋ Kawawaŋgat zemesewatpeye

³ Amobotnaŋ Zisas Kilais egat Bipmaŋ Kawawaŋ ek bakbak toŋaŋ ma ninmagen mukulem ekmageŋ etan makopmâzin keyet mti nin ek sesewatpewanup. ⁴ Egaŋ Zisasiyet buŋam zapatnaŋaŋ kaliŋaŋ tatagat nâmti mulupmaŋ mmann am ekŋenaŋ nukŋaŋ sambe dukŋan beme keyet palen tapmann Kawawaŋaŋ ikŋaŋ ndamukulem dolakŋaŋ mamin. Âpme nin naman mama mimi sepem keyegak timtati am notne notnaŋ nukŋaŋ sambe sokbemindame maolalip ekŋen keboŋ ke indamukulem mimindewanup.

⁵ Kilais egaŋ ikŋaŋ sek sindem omba penaŋ

nâmeti gakiye. Keyet kataŋ nin Kawawaŋalen kwizet buŋamaŋgapmti sek sindem kegogak omba penaŋ matinup. Keyepmti Kilaisiyaŋ Emetak Teŋaŋ peme toti egaŋ ndamukulem mti keŋŋ m eleŋ beleŋ bemndein. ⁶ Ninmagen sek sindem sambe masokbemndain ke belak etaŋ penaŋ yek. In indamukulem mmann in yomengatnan gilik zemkwati mama kanzizit timti mamayet maminup. In nin sindem matinup sepem kegogak matip. Âpme Kawawaŋaŋ nin nukŋanen ndamukulem mndeme mambanup beme nin keeset in nukŋanen ŋep indamukulem mimindemti zemgwaŋnaŋ mimindemann mambeŋ. ⁷ Âpme nin ingat nâmtemtem temaŋ mimipiŋ pigok manâmkatikbenup. In ninmak tusumti mamaip keyepmti sindem indame keyet kiŋgagaŋ timti titiyak mamelip keyepmti Kawawaŋaŋ nin nukŋanen manndamukulem min sepem kegogak in maindamukulem min.

⁸ Nin Esia msalen mulup mmamti sek sindem palen etaŋ mamkwabenn. Keyet zapaŋnaŋ bugan pigok zemâtâtindama nâit. Kwitnaŋ kwitnaŋ nukŋaŋ omba penaŋ sekŋnan moti mtotndeme ekti nin ilak kapi gakisâpmnup elak penaŋ nâmkatik bewenn. ⁹ Sepem kegok mti windenn penaŋ kwalepme delaŋ zemâge. Yanŋut kwitnaŋ kwitnaŋ ke belak etaŋ penaŋ ku sokbemndaye. E nin nnaŋgat nâmann tototnaŋ beme Kawawaŋ ek am gakikiengatnan mamme walip egat kwewetaŋ nâmkiŋpepeyet nukŋaŋ sambe ke sokbemndaye. ¹⁰ Nin nukŋaŋ temaŋ ke timti gakikiyelen bududuk tapmnepe-

mann Kawawaŋaŋ iŋŋaŋ ndaŋgalaŋ ndemti nda-
timti koge. Nan alak nukŋanen tapmann pi
ewe taanŋalaŋ ndemkwazin. Yaŋ bam ewe tat-
ndaŋgalaŋ mepmambe e penaŋ nâmkatik beyap.
¹¹ Keyet mti in dundunduyaŋ ndamukulem min-
ndewep. Âpme Kawawaŋaŋ dundunduŋin nâmti
ndaŋgalaŋ ndeme ewe mamann in ma am sam-
beyaŋ ningat mti Kawawaŋgat olim sesewat-
sawep.

*Pâlaŋ Kolin mkaengatnaŋ am ekŋen ŋen ku
tetim indeye*

¹² Nin yaŋaŋ kapigogapmti nnaŋgat
bugan nâmann dolakŋaŋ mambein. Nin
Kawawaŋaŋ ndadamuŋ mme egat zikatnan
zet penaŋ penaŋak zemti kwetetepmaŋ mamti
am nâmkŋepepepiŋ ekŋen indamukulem
mamimtemenn. Âpme naman ingat tuŋguwinan
kopmamti indamukulem omba penaŋ
mamimtemenn. Ewan am nnaŋgalen nânâen
yek. Ke Kawawaŋaŋ keŋ taolet minndamti nânâ
ndame egalen nânâen mulup mamimtemenn.

¹³ Nin in zet maiŋti nânâyelen ilak kapi kumti
bemann kozin. Ke maiŋti yaŋaŋ weyaŋ
nâmâtâpme delaŋ zemâbe ke nâmkŋepemindenup.

¹⁴ In ningat yaŋŋ omba penaŋ ku nâmtalip;
isikŋaŋ bugan nâmtalip yaŋgut yaŋŋ belatnik
mamoti nâsâip. Mme temaŋ penaŋ Amobotnaŋ
Zisasiyaŋ kobeen kan keyet nin dopmaŋaŋ
dopmaŋgat yaŋŋ eknâm mbanup keyet oloŋen
temaŋ penaŋ mbanup.

¹⁵⁻¹⁶ Neŋ zet kapi keŋŋnan penaŋ tageyepmti
neŋ weyeyaŋ mti ŋeŋaŋ in kot indikti

nâmkîjpepeñin gwatnañ mimindemti eyetnan Masedonia msalen met maneti gilik zemti ewe inmagenak koti ewe sepem kegok mimindema in naman napmukulem mimneme Zudia msalen mebegat nâmti zewan. ¹⁷ Âpme in nâme neñ zet ke belak etañ tetim indewanok bein? Ma in nâme neñ am dâsukitoñ ekñenañ kwilekiñen mimiyet zet zemkatik bemtingut naman ñen mimipiñ belak mapeme wennok sepem kegok mamiyap bein? ¹⁸ Yek. Kawawañ ek an zet teñ toñ egat zikatnañ zet zewenn kelak penañ etañ. Dâsuki ñen ku tazin. ¹⁹ Kogogapm Kawawañgat Nemunañ Zisas Kilaisiyet buñam zapatnañ neñmak Sailas, Timotimak nin tim koti diindowenn ke zemusulalatnañmak ku tazin. Zetlak ikñañ kwep ke etañ diindowenn kemak. ²⁰ Kawawañgalen zetik sambe sopmañ zigok mkwakwatnañ ekñen keyet penañin Zisasmagen sokbemâpme delañ zenzenañ. Kogogapmti nin egalen zetikñañgalen penañañ ke nâmkîjpepenti Zisas Kilaisiyet wisikñ zenup mti Kawawañgat kwizet buñamañ kegoset mwatpenup. ²¹ Kegok ke Kawawañañ ikñañ in ma nin Kilaisiyet bembeyet zemgwatnañ mamminndein. Mti Kawawañ ikñañgat zapat mamayet maombemndein. ²² Kawawañañ nin ikñañgat betziñañ bembeyelen nâmti Emetak Teñ keñnan bempeye keyañ ekmagen kwitnañ kwitnañ bam tiwanup keyet busilinan bugan kogok mndaye. ²³ Kawawañañ neñmak tapme zet kapi zeap. Neñ Kolin dapmelange inmagen ku gilik zemkobanen e yañañ kapigogat neñ inmak

ku atindândâyelen nâmbangapm ku koban. ²⁴ Neŋ inmak ku atindândâyelen nâmbanen ke kapigogat neŋ ingat mobotnaŋin bem tati nâmkijpepeen ke mit ke mit ku mimindandayelen nâmban. Nin inmagen mulup mbenen ke in nâmkijpepeen katikŋaŋ bemti oloŋen nsakwep mamayelen nâmti mbenn.

2

¹ Neŋ inmagen ewe koti kemberŋ teman aik indawapmagengapm nâmtemtem miyapgapmti ŋep ku kobap. ² Neŋ am nâgât keŋŋ mme oloŋen bembeyelen elak in kwep ke keyepmti neŋ mneti keŋŋin mma bekaŋŋ bewe beme naman am kwiyaŋ nâgât keŋŋ mme oloŋen bewe. ³ Mneti in ilinak nukŋaŋin weyayaŋpiŋ tatnepeme neŋ kot indikti nukŋaŋ tiwapmagen zemti papia ŋeŋaŋ baen kumti indawan. Am neŋ keŋŋ mme oloŋen bembeyelen am maŋge elak in kwep penaŋ ke. Keyepmti in nukŋaŋin sambe weyaŋme delaŋ zeme tapme neŋ kot indikti oloŋen mma in ilin kegogak oloŋen mbep elak penaŋ nâmindeyap. ⁴ Neŋ ingat yayaŋ teman mti keŋŋ sindem beme simak simak tati nâmisimti zapat meluwaŋ ke kumti indawan. Wa neŋ zapat meluwaŋ ke in nukŋaŋ aikindandayet nâmti ku kuwan. Neŋ keŋŋ teman inmagen penaŋ matazin keyet yaŋaŋ e in ekmâtâtâgat nâmti ke kumindawan.

Am ŋeŋaŋ kwileki ŋen myuŋgumindame in yomin katikpewep

⁵ Ingat tuŋguwinaŋgatnaŋ an ŋeŋaŋ keŋŋin mme walebe beme wa ke nâgât keŋŋ eyo mme ku

walebe ilinaŋgat kenjin ke waletindawe. Neŋ zet windenjanben an yom mge ikŋaŋgat esemten ombemzema neŋ ku besem. ⁶ In sambenik penanjan an kwitnan kwitnan mgasik mimindaye keyet dopman msamkwabien elak neŋgat peme tabe. ⁷ Mneti egaŋ igak tapme nukŋaŋ sambe keyaŋ omba penaŋ mtopewemagat in yomaŋ ke katikpemti zebabak mpemti kandaŋinan pemti mambeŋ. ⁸ In notn notn penaŋ ewe mpemti gogot penaŋ mti mimiek mimiyele nâmzeap. ⁹ Neŋ meluwaŋ keboŋgat zet eweŋan tipman baen zet diindowan ke maŋgawepup ma yek? Keyet yaŋaŋin eknâsâgât nâmti papia neŋaŋ ke kumti indawan. ¹⁰ In noline ekneŋaŋ myuŋgum indame in yomin ke katikpewep beme neŋ kegogak ekneŋgalen myuŋgunŋunjin katikpewap. An neŋaŋ in myuŋgumindawe beme neŋ ingat tikŋaŋ omba matazin keyepmti Kilaisiyet monzalaman an keyet yomaŋ ke katikpewap. ¹¹ Nin Sadaŋgalen tetimaemae eyet yaŋaŋaŋ nâmpenup keyepmti nin egaŋ zet kelakŋaŋ mindandayet kawaŋaŋ bugan ku pewanup.

Pâlaŋ Toloas meti eyetnan Masedonia mege

¹² Neŋ meti Toloas mkaen patan zema Amobotnan Kilaisiyaŋ ikŋaŋ zet zapatnan dolakŋaŋ kapi ammagen zenzeyet setnan dolakŋaŋ penaŋ aikname tati ¹³ naman notn Taitas ek ku aikban. Keyet mti egat yayaŋ temaŋ mti mulup dolakŋaŋ ku mban. Keyepmti neŋ Toloas mka pemti naman ek aiksât Masedonia msalen meban.

Nin Kilaismak tapmann nukŋaŋaŋ omba ku mtotndeye

14 Nin Kilaisiyan kan katan ndabandim minndeme nin egalen mulup mmepmann nuknan sambe masokbemndain katan mtopemti keyet olojen mti ambeliliyan makunup. Amnan kasanin mtoindemti olojen mti ambelili makuip sepem kebonak nin Amobotnanan ndabandim minndeme msat katan Kilaisiyelen bunam zapat zemepmann am eknenan keyet nâme songompelep sesik dolaknan kebon mambein. Keyepmti nin Kawawangalen winde keyet wisikn manzenup. 15 Wisikn manzenup keyan Kawawanan nin ndikme zit kunuk sesik Kilaisiyan Kawawan mpeyenok mambenn. Âpme sesik keyan kalañti mama kanzizitgat zapat bewep ma gakikiyet zapat bewep eknenmagen mekobe. 16 Âpme am yomengatnan ku gilik zenzenan eknenmagen nin Kawawangalen zet dolaknan zemann nâmti waleletgat zapat mambeip. Ma am yomengatnan indatitiyan eknenan nâme sesik dolaknan beme mama kanzizitgat zapat mambein. Keyepmti mulup dolaknan kabon kapi Kawawanan ndamukulem ku mme nin nnak etan mulup teman kapi nep ku mbenek. 17 Wa nin am Kawawangalen zeleset kwizet bunam teman etan matip eknen kebon yek. Nin Kawawangat zetnan kandanaman mamnup keyepmti Kilaisiyan nin iknangat mulupman kapi mimiyyet zemndeyeyepmti Kawawangat zikatnan esemten mamti mulupman mamnup.

Tâtâ alakñangalen mulup an

¹ In nâme nin nnañgat kwizet buñam etañ mobotgat mulupmañ mamnup bein? Ma in nâme an ñenañ ningat yaññ papia notnañ ningat kwizet buñam mmobogat kumti kot indawien? Ma in papia notnañ keboñ kumti ningat kwizet buñamm mmot ndendeyet manzenup ma? E yek penañ. ² Ningalen papia elak in kemak. In-gat mama mimiñin dolakñañ ma nâmkijpepeñin an imbi sambeyañ ke ekti nin inmagen mulup dolakñañ mbenn ke ilinak maekmâtâlip. ³ Nin inmagen mulup mmann in Kilaisiyelen papia keboñ bewien. Zet zeyap keyet yañañ sosok penañ tazin. Yanğut ke tinde sopmanen olekti meluwañ makunup sepem keboñ yek. E ikñangat Kawawañ mama mamain egalen Emetak Teñ keyañ am keñinan baen meluwañ mpeye wa ke nanzañ palakñañ palen yek.

⁴ Zet ke yañañ kapigogapmti zeyap Kawawañ nâmkijpepeyelen set ke Kilaisimagesetgatnağut sokbeye. ⁵ Penañ nin nnak etañ mulup kwitnañ kwitnañ sambe kapi mmann ku sokbenak Kawawañañ etañ ndamukulem mme mulup sambe mmann penañ sokbem mâge. ⁶ Kawawañ ikñañ nin tâtâ alakñangalen mulup mimiyyet ndaombem ndeme nin Emetak Teñañ zemâtândame keyet katanñ mulup ke mamnup. Wa nin zii zelen meluwañ mimiñañ keyelen mulupmañ ku maminup. Âpme zii zet sambe keyañ nin ñep penañ ku gawepumann delañ zenzeyelen keyepmti zii zet meluwañ mimiñañ keyañ am gakiki katikñañ maaikindain. Âpme

tâtâ alakñañ ke Emetak Tenjañ mulup mme keyañ mama kanzizit maaikndain.

⁷ Kawawañañ zii zet ke nanzañ palakñañ palen meluwañ mge. Zii zet keyañ mulupmañ am ekñenmagen mam ke gakiki aikindaye. Yangut zii zet ke Kawawañ an busatnañañmak piyañ mme sokbeye. Keyepmti Kawawañañ Moses zii zet saye kan keyet Moses ñenzimosetnan busatnañ temañ bemti tapme topme Islael am ekñañañ zigok epumti zimosetnañ ekbiek belak kwalañ kwalañ mbien yangut busatnañ ke Mosesiyet palen tatat katikñañ ku tage. ⁸ Âpme Emetak Tengalen tâtâ alakñañ keyet busatnañ zii zetgalen busatnañ silipein. ⁹ Penañ suk-wep Kawawañañ Moses zii zet saye kan keyet Mosesiyet zimosetnanen saña songayañ uluñ elañ tapmme toge. Zii zet ke dolakñañ yangut zii zet keyañ am belak zet muluwen etañ maindein. Âpme naman Kawawañañ am yomen-gatnan ndaŋgalañti tâtâ alakñañ ke mobotnañ igagen penañ mme nin teñ mamayelen winde keyet keñañ tazin. ¹⁰ Mosesiyet ñenzimosetnañ busatnañ tapme toge busatnañ keyañ belaknik tapmetneti yek beye sepem kegogak zii zetgalen mulupmañ dolakñañ ewan belaknik tatopmâzin. Âpme tâtâ alakñañgalen buñañm zapañ kapiyañ naman itnañañ ewan sebempemti gwaen tapmozin. ¹¹ Set eweñañ sokbeye keyelen busatnañañ elak kan pigogak tototnañ beme naman tâtâ alakñañ kapiyelen buñañm zapañnañañ omba penañ tapmakozin.

¹² Nin ñoktikñañ zet keyañ penañ tazin

keyepmti nin mulup Mosesiyan mge kekok ke ku maminup. Nin mulup tâtâ alaknan ke mâti kingagapiñ mulup windenjanben mamnup. ¹³ Âpme nin Mosesiyan mge sepem kekok nep ku mimiyele. Egan busatnan teman nenzimosestnan tage ke Israel am eknenan ekti walebiekmagengapmti egan nenzimosestnan sangum aiaiknan keyan ambulutpeme tapmeti busatnan ke yek bemeti yek beme delan zeye. ¹⁴ Mosesiyan mge sepem kekok Israel amane eknenan ken otnânânjin sanguman atampemâbien. Keyepmti eknenan Kawawangalen Zet Itnanan e nep mamain nâip yangut keyet yan nan penan nep ku maweyan nâmâtâlip. Sangum ke gaipeme mebegalen. Setnan ke Kilais kwewetan nâmkinpemingut nep gaipeme mebegalen. ¹⁵ Yan alak kan pigogat eyo eknenan nin Mosesiyelen zet kapi gawepumti set keeset mama kanzizit mambanup. Zemti ke mâti mame keyan sangumnok ken otnânânjin maambulut tazin. ¹⁶ Keyepmti am eknen keyan ilin kenjin gilik zemti Amobotnanmagen mepme sangum ke tim beme mekobe. ¹⁷ Amobotnan ek Emetak Tenjak keyepmti egan am nengat kenan matazin beme egan sangum ke tim beme mekopme an keyan belak lala mamain. ¹⁸ Am nâmkinpepemak ningulak zimosestnan busatnan ke sanguman ku mautukekpenup. Nin gapiyamnok tapmann Amobotnan galen san ga songa keyan ningat palen ome nin naman sepem asekm Amobotnan galen mama mimi ke omba penan mkwapmann am

ekņenaņ nin Amobotnaņgalen maņge e sosok manndikmâtâlip.

4

Nin am indamukulem mman busatnanen kwabep

¹ Kawawaņaņ aņgalaņ gogotnaņgapmti nin mulupmaņ kapi mimiyeť ndaye. Keyepmti nin mulupmaņ kapi ku katikpewanup. ² Âpme nin zet manzemkawaņbenup kapi Kawawaņ iķaņgalen zet penaņ. Keyet mti amnaņ nin ndikti am ekņen kapi Kawawaņ iķaņgat monzalaman mulup mamip elak manâmâtâtndeip. Nin zet dâsuki ma amnaņ yom notnaņ enzilimti mammelip ma tetimaemae eboņ eboņ bamkumpemâbenn. Nin Kawawaņgalen zet penaņ pemaņ tapme naman dâsuki kileņ ņen ku manzenup. ³ Nin Kawawaņgalen Zet Zapat Dolakņaņ Penaņ kapi diindomann am waleletgat zapat mamaip ekņenaņ ku manâmâtâlip ekņen ke walepmâbep. ⁴ Msat kapiyelen Amobotnaņ Sadanaņ egaņ am ekņen kapi tambusosok keņa maindatimti main keyepmti ekņenaņ nâmķiņpepe ku maaigip. Egaņ Kawawaņgalen Zet Zapat Dolakņaņ Penaņ kapiyaņ keņin mkawaņ bem indeme Kilais ek Kawawaņak ma am mama eyo maaikindain ke nâmâtâti nâmķiņpepeyet selin mambekek indein. ⁵ Nin toto kwati nnaņgat kwizet buņamm mobotgat ku manzemmetnup. Nin Zisasiyeť kwizet buņamaņ etaņ mwati Zisas Kilais ek ningalen Amobotnaņ kekok manzenup. Mti nin ingat sisiliņ aņņin mamanup elak sosok penaņ

mandiindonup. ⁶ Kawawaŋaŋ msat kululun mme sokbeye kan keyet pigok zeye, “Busatnaŋaŋ tambusosogen melak.” Zeme kegok mge. Sepem kegogak zeme am ningat keŋŋnaŋ busatnaŋaŋ sokbeye. Keyet yaŋaŋ kapigok: Kawawaŋaŋ iŋŋaŋgat windenaŋ keyet yaŋaŋ Kilaisimageseti am nin yomengatnaŋ gilik zemti ndatiye keeset mkawaŋ beme ekmâtâbenn.

⁷ Mti egaŋ ningat seŋ windeneŋiŋ menzim tosiŋ bakŋaŋ keboŋ kapiyet keŋaŋ Kawawaŋgaleŋ Zet Zapat Dolakŋaŋ Penaŋ tapme timti manzemkawaŋbemetnup. Ke wan nin keŋŋnaŋgatnaŋ timti ku manzenup. Nin Kawawaŋgaleŋ windeen etaŋ tati manzenup. ⁸ Zisasiyelen buŋam zapatgapmti kan sambe penaŋ amnaŋ nukŋaŋ omba penaŋ manndaip yaŋgut ku mawaletnup nukŋaŋ temanen tati pe zigok minndame eksenuwenn zemti keŋ zut maminup. Yaŋgut kileŋ ke nâmisimti mulup temaminup. ⁹ Am sambeyaŋ ningat kasa ŋenzinziŋ omba mam ndaip. Yaŋgut nin Kawawaŋaŋ iŋŋaŋ ndamukulem minndeme matatnup. Kan notnaŋgat kasa ekŋenaŋ omba penaŋ mandoip yaŋgut penaŋ ndome ku maŋgakinup. ¹⁰ Msat seŋ kapi kan sambe penaŋ gakikyelen selen mamezin Zisas msamebien sepem kegogak mamimndaip. Âpme am ekŋenaŋ Zisas kume gakiyeyaŋ naman wageyaŋ ewe mamain. Egaŋ ndaŋgalaŋme nin ewe alik kapi mamann am sambe ekŋenaŋ Kilais ek mama keyet toŋaŋ elak sosok maekmâtâpeip. ¹¹ Nin pi Zisasiyet zet zapatnaŋ zekawaŋ bemann

keyet kasa mti ndom walet mme gakikiyelen bududuk penaŋ maminup. Yanŋut Kilaisiyaŋ msat sekŋ kapi ewe mukulem mme alik mamann am ekŋenaŋ Kilais ikŋaŋ alik main elak sosok masokbemkawaŋ beme egip. ¹² Nin inmagen Kawawaŋgalen Zet Zapat Dolakŋaŋ Penaŋ diindomann keyepmti ndomkume gakisâgât penaŋ mimkwabenn sindem mulup kekok mkwabengapmti in mama kanzizitgat zapat bewien.

¹³ Kawawaŋgalen Zet Itnaŋaŋ Sam keyet keŋan zet ŋen kapigok tazin,

“Neŋ nâmkikŋpepenn tazin keyet mti neŋ Kawawaŋgalen zet manzemkawaŋ beyap.”

(Sam 116:10)

Sepem kekokak nin pigok zenup, Nin nâmkikŋpepenn tazin keyepmti Kawawaŋgalen zet pi manzemkawaŋ benup. ¹⁴ Mulup ke mmambe pigok penaŋ manânup Kawawaŋaŋ Amobotnaŋ Zisas gakikiengatnan mme wage. Âpme nin ekmak tusumti mamanup keyepmti Kawawaŋ egaŋ ninmak inmak kekokak mme wapmann ndatimti mot Zisasiyet kandaŋan yaloŋdewe.

¹⁵ Nin ingat mti sek sindem mulup mkwapmann Kawawaŋaŋ keŋ taoletnaŋgapmti am indiŋ ŋen indiŋ ŋen keŋin m eleŋ beleŋ beme Kilais nâmkikŋpemti Kawawaŋgat dundunduŋinanen wisikŋ zemti kwizet buŋamaŋ mamwapmâlip.

¹⁶ Nin yaŋaŋ kapigogapmti nin mulup kapi mimiyet keŋeŋ eleŋ beleŋ beme maminup. Nin sekŋnaŋ belaknik belaknik piyaŋ mamenzeum tozin yanŋut keŋeset Kawawaŋaŋ mene mene ndamukulem mti gwatnaŋ maminndein. ¹⁷ Alak

kan pigogat mulupgapmti nukñañ ma sek sindem tatim kwatnup kapi kan isikñañ bugan tapmoti delañ zewe. Âpme nukñañ kapi matinup keyet penañañ Kawawañañ mama kanzizit ndame keyet keñañ moti egat zimosetnan telep-gat mambanup keyañ mobotnañ penañ bein. ¹⁸ Keyepmti nin keñ otnânân nukñañ tasokbemndame eknup keeset ku bemann tabe. Nin bam kululuñen gwaen moti oloñen palen kwesiñ mambanup keeset bemann tabe. Alak kwitnañ kwitnañ sambe tasokbemndain kapi kwesiñ ku tapmobe. Bam mama oloñen palen mamobanup keyañ kwesiñ tapmobe.

5

¹ Keyepmti nin pigok nânup: Nin msatgalen mka minzalañnok kapi Kawawañañ asekpeme toweme naman mka alakñañ ñen kululuñengatnañ ke ndame ke timti mama kanzizit mamti mambanup. Mka minzalañ ke wa am belañ mawalatnup keboñ yek minzalañ kapi sekñ kapiyet nâmti zenzeñañ. ² Nin mama mamanuwen kapi nukñañ sambeyañ sokbemndame keyepmti msat sekñ kapi gaipemann toweme kululuñen gwaen moti sekñ penañ ke timti sek welelañ kwawepme mamayet nâmti eyak temañ maminup. ³ Nin kululuñen gwaen sekñ alakñañ tazin yañ maneti gakimti mot bam tiwanup e nâmann tapme mamanup. ⁴ Alak sekñ tazin kapi nukñañañ kwati mamimtopein yangut nin gakikiyet ku manânup. Nin belak sekñ alakñañ kemak sekñ itnañañ kapimak timunduñti sekñ

alakŋaŋ keyaŋ minzilime delaŋ zeme melesin kululunjen mobogat manânup. ⁵ Kwitnaŋ kwitnaŋ tasokbemndain kapi sokbemndandayet nâmti Kawawaŋaŋ eweŋanak nâmâtâpme weme keyet piliŋaŋ Emetak Teŋaŋ ke yaŋbemti ndaye.

⁶ Nin kwitnaŋ kwitnaŋ kekok sokbemndawe e nâmti keyepmti nâmann eleŋ beleŋ beme mamanup. Nin msalen pien msat sekmak mamnup yaŋ maneti gakiwanup beme Amobotnaŋmak moti mambanup. Nin msalen pien msat sekmak mamanupgapmti nin Amobotnaŋ egalen mkaen ku matatnup. ⁷ Keyepmti kan pigogat nin Amobotnaŋ zikalaŋ eekpiŋ belak etaŋ nâmkiŋpemti mamayelen kan tazin. ⁸ Nin Amobotnaŋmak moti mambanup e penaŋ nânupgapmti keyaŋ keŋŋ m eleŋ beleŋ bem ndeme gakikiyet mee eyet ku makingatnup belak nâmann ŋep etaŋ mambein. ⁹ Nin sekŋ kapi melesin msalen kapi mambanup ma kululunjen moti sekŋ alakŋaŋ timti mambanup beme kwitnaŋ kwitnaŋ notnaŋ sambeyet nâmann tototnaŋ beme Amobotnaŋ ek etaŋ keŋnan mmann pembenan mamti mambe. ¹⁰ Maneti am nin sambe bepi Kilaisiyaŋ zet zemdelan zenze munduman tapme egat kandaŋan mopmann delaŋ zemâbe. Âpme egaŋ nin msalen pien mamti mama mimi dolakŋaŋ mbenn ma bekanan mbenn keyet tosaŋaŋ ikŋaŋgat toŋaŋ toŋaŋ kalaŋ kumti ndamâbe.

Pâlaŋ Zisasiyaŋ yomengatnan ndatiye keyet buŋam zapatnaŋ zemkawaŋ beye

11 Set kekok penañ tazingapmti nin Amobotnañgat nâmpemann mamozin. Keyepmti nin am indamukulem mman nâmkîñpepe aiikgat mulupmañ kaliñañ maminup ke Kawawañañ iññañ penañ nâmndein sepem kekokak in ningat nâmndeip e nâmtalap. 12 Wa in nin kwizet buñamm in mmot ndendeyet nâmti nnañgat keñnañgalak zet dolak dolakñañ ku mandiin-donup. Nin Amobotnañgalen mulup esemteñ penañ ke mmanngut am notnañañ msatgalen mama mimi keeset mti sekñin etañ mammolip ekñen keyañ ningat naman kasa maminndaip keyepmti in am ekñen keyañ zet ñen wakñinan peme topme in dopmañ naman Amobotnañgalen zet ke timtati diindowep. 13 In ningat nâme keñin kilom mambein kekok manâip beme e nin Kawawañgat kwizapatnañ mwawatgat sepem kekok mamnup ma nin ñoktikñ esemteñ nâmatâti mulup mamnup beme e in pembenañ bebeyet nâmti ke maminup. 14 Kilaisiyañ ningat gogot penañ maminndaïn keyepmti nin pigok nânup: An kwewetañañ am nin sambeyelen yomgapmti gakimti nin ndamukulem mme nin yomgalen mama mimi mgasigen mamkwabenn bee bankumpemann delañ zemâge. 15 Egañ msalen am sambe nin bekapiyet mti gakimti naman gakikiengatnan gilik zemwati mama alakñañ kapi aikndaye. Keyepmti nin mama ke mamti nnañgat sekñ ñep ku mmobogalen. Nin Kilaisiyelen mulupmañ ke windenañben mti ek etañ manzemesesewatpemambanup.

16 Alak nin nnañgalen nânâ mâti am ñeniyet

ewe zelin ku manzemdelaŋ zemindemambanup. Eweŋan nin am nnaŋgalen nânâ ke mâti keyet katanŋ Kilaisiyet zetnaŋ zemdelaŋ zempewenn. Yanŋ nin set sepem kegok ke ewe ŋen ku maminup.

¹⁷ An ŋenaŋ Kilais ek penaŋ manâmkinŋpein beme egaŋ Kilaismagen mama alakŋaŋ ke timti naman an sepem igak ŋen ke makwazin. Egaŋ mamaŋaŋ mgasik itnaŋaŋ mamkwage ewan katikpem mâpme delaŋ zeme egaŋ naman Kilaisiyelen mama alakŋaŋ ke yanŋbemti mamezin.

¹⁸ Nin itnaŋaŋ Kawawaŋgat kasa mti manepemann Kawawaŋaŋ Kilais egat mti egaŋ naman ndamingilik zeme nin egat notnane penaŋ sokbewenn. Âpme egaŋ nin am notnaŋ ekŋen eyo indamukulem mmann egat notnane sokbembeyet nâmti mulupmaŋ kapi ndaye. ¹⁹ Nin Kawawaŋaŋ Kilais egat pembenangapmti msalen am sambe bepi notn notn etaŋ mamimndein keyet zapatnaŋ nin kapi zemkawaŋ bemndame nin am manzemkawaŋ bemindanup. Am egat notnane penaŋ bemti mamaip ekŋen ke egaŋ yominaŋgat dopmaŋ indandayet nâmti yomin kumabiliwezin.

²⁰ Kawawaŋaŋ ningat paleset in zet mandiindoin. Nin Kilaisiyet kwitnanen ingat pigok zemti indayaŋkwesinup. Ka yek, in Kawawaŋgat kasa mamip e peme tapme Kawawaŋaŋ ikŋaŋgat notnane penaŋ bemti mamayet indatiwe. ²¹ Kilais ek yomaŋ meepiŋ yangut Kawawaŋaŋ am ningat mti ningalen yomm bepiwan naman timtati Kilaisiyet dukŋan peme mowege. E nin ekmak tusumti Kawawaŋgalen mama teŋ ke nin eyo titiyet nâmti kegok mge.

6

Pâlaŋ Kawawaŋgalen mulupgat nukŋaŋ omba penañ tiye

¹ Nin Kawawaŋ ikŋaŋmak mamti mulup maminuwaŋ in pigok indayaŋkwesinup: Ka yek, in Kawawaŋaŋ keŋ taoletnaŋgapmti mulup dolakŋaŋ notnaŋ mimiyet winde indaye ke in belak peme ku tabe. ² Nâip, Kawawaŋgalen Zet Itnaŋanen zet ŋen pigok zenzenaŋ,

“Neŋ kan esemteŋ keyegak ingalen kwizelin nâmti yomengatnan gilik zemti indatiwan.”
(Aizaya 49:8)

Nâip, kan kapi ilak am yomengatnan gilik zemti indatiti keyelen kan esemteŋ penañ ilak alak kapi sokbein.

³ Nin am ŋenaŋ mulup maminup keyet keŋanen myuŋguŋgunn ŋen ku aiikgat nâmti maweyaŋ mnup. Mneti nin kwileki ŋen mman yuŋgume am ekŋenaŋ ke ekti nâme ŋep ku beme Kawawaŋgalen Zet Zapat Dolakŋaŋ Penañ manzenup kapi bamkumpeme ŋep ku bewe zemti maeksenup. ⁴ Nin Kawawaŋgalen mulup kapi esemteŋ timamti mman am ekŋenaŋ Kawawaŋgalen mulup an penañ maip e ŋep ndik mâtâbep. Nin mulupmaŋ ke mti sewak palen mamann am ekŋenaŋ sisipenpen temaŋ mimndame nukŋaŋ temaŋ keyet palen mot anzam tati olat olat palen mamti keyet nâmann kiŋgagatnaŋmak ku bewe. ⁵ Am ekŋenaŋ kileŋ manndomkuip ma ndatamti met mka katikŋan manndeip. Ma am sambeyaŋ bililim kot ndatamti

ndome gakikiyelen bududuk maminup. Nin kekok minndame nâmisimti Kawawaŋgalen Zet Zapat Dolakŋaŋ Penaj zenze mulup tagoŋgopiŋ mimiek mmeti muluk mee wewepiŋ ma tu meu mee dolakŋaŋ aikninipiŋ mamanup. ⁶ Nin mama kwetetepmaŋ penaj mamanup. Nin Kawawaŋgat yaŋaŋaŋ sambe penaj nârup ma sewak sewak palen mamanup ma am gogot dolakŋaŋ mimindamti manup. Ma Emetak Teŋaŋ gwatnaŋ mimndeme mamann am ekŋenaŋ nin Kawawaŋgalen mulup an penaj mamanup elak manâmndeip. ⁷ Nin Kawawaŋgalen windemak tati zetnaŋ penaj kapi manzemkawaŋbenup ma mama mimin kwetetepmaŋ keyaŋ timbi sâkŋnok beme timtati nembelen sekŋ aŋgalaŋpemtî nembetnaŋ naman kasanne indalem mâpmann mebep. ⁸ Keyepmti am notnaŋ ekŋenaŋ naman mamimtotndeip. Âpme notnaŋ ekŋenaŋ ningat nâme mopme manzemesesewatndeip. Nin zet penaj ke zemanngut notnaŋ ekŋenaŋ ningat nâmndeme an dâsukitoŋnok mambenup. ⁹ Âpme am notnaŋ ekŋenaŋ ningat Kawawaŋgalen mulup an pembedaŋ yek kekok zemti nâmndeme tototnaŋ mambenup yaŋgut am notnaŋ sambe ekŋenaŋ naman ningat yaŋŋ ŋep nâmndeme mandelaŋ zein. Am notnaŋ ekŋenaŋ nin kwapem penaj ndome gakikiyelen bududuk penaj mamanup. Yaŋgut kilen penaj ke nâmisimti temamanup. Naman kan notnaŋgat ndatimti mepme amobotnaŋ ekŋenaŋ zemdelan zeme omba penaj mandom kwatamtemien. Yaŋgut penaj manndome ku maŋgakinup.

¹⁰ Nukṛṇaṅ sambe penaṅ ke sokbemndame keṅṅ sindem omba penaṅ mambein. Yaṅgut nin Amobotnaṅgat etaṅ nâmti oloṅen maminup. Nin mânep milawatnpiṅ am bekopsat penaṅ mamanup. Yaṅgut nin am indamukulem mmann ekṇenaṅ nâmkîṅpepemak bembeyet mulupman windeṅambeṅ maminup. Nin penaṅ kwitnaṅ kwitnaṅ sambe ku tatndain yaṅgut Kilaisiyelen mama mimi sambe bee penaṅ tatndame delaṅ zein.

¹¹ Kolin am maṅge notnne dolakṇaṅ penaṅ, nin ingat tikṇaṅṅ omba penaṅ matatndain elak sosok penaṅ zemkawaṅ bemindamann nâip ke.

¹² Nin pien mamti ingat otnâpeṅ penaṅ mamanup yaṅgut in ilinagak ningat wisat minndemti bamkumndewien. ¹³ Keyepmti neṅ am notnaṅṅ nemunambaṅine ekṅengat zet manzeip sepem kegogak neṅ ingat pigok penaṅ diindoma nâit. Nin ingat tikṇaṅ manâmindenup sepem kegogak in ningat tikṇaṅ ewe nâmndemti kot tusume nsakwep mambanup.

Am nâmkîṅpepepiṅ ekṅengalen mama mimi ku mâti mamayet aṅkeṅoo zet zenzeṅṅ

¹⁴ In am nâmkîṅpepeṅinpiṅ ekṇenmak met lumaṅti ekṇenaṅ mama mimi bekaṅṅ mamip sepem kegogak ku mbep. Am bekaṅṅmak am dolakṇaṅṅ zigoset notn notn mti mambuk ma busatnaṅmak tambusosogaṅ zigoset temakwep ondekti tabuk? ¹⁵ Ma Kilaismak Sadaṅ ekṇenaṅ zigoset mulup ṅen mimiyet zenâmti keṅ kwep bewuk? Ma am nâmkîṅpepeṅṅmak am nâmkîṅpepepiṅ ekṇenaṅ zigoset maṅge kwep

penaŋ bemti mambiek? ¹⁶ Ma nin zigoset Kawawaŋ penaŋgalen sesewat mka temaŋ kemak naman nopiom egalen sesewat mkamak tusum-idewanup? Nâip, Kawawaŋ mama kanzizit main egalen sesewat mka ke am nâmkiŋpepemak nin. Keyepmti Kawawaŋaŋ Zet Itnaŋanen pigok zeye,

“Neŋ aminne ingat tunġuwinan mundum weyaŋti ke mamambap. Mti neŋ Kawawaŋin bemti mama in nâlen aminne bemti mambep.”
(*Wok Pris 26:12; Zelemaia 32:38; Esekiel 37:27*)

¹⁷ Keyepmti Amobotnaŋaŋ pigok zeye,

“In am neŋ ku manâmkiŋpem neip ekŋenmak tusummaneti ekŋengalen mama mimi bekaŋaŋ notaŋ in ku mimiyelen zemkulumindendaŋaŋ ke mbepmegat wati kunzuŋti nenmagen pien kopme nen indatiwap.” (*Aizaya 52:11; Esekiel 20:34, 41*)

¹⁸ Âpme nen biwin mama in nemunambanne bemti mambep. Amobotnaŋ ek kwitnaŋ kwitnaŋ sambeyelen winde bee tasamâpme delaŋ zein. Egaŋ ningat zet kegok penaŋ zein.” (*2 Samuel 7:14; 7:8; Aizaya 43:6; Hosea 1:10*)

7

¹ Notnne dolakŋaŋ penaŋ, neŋ pigok zemkawaŋ bema nâit: Kawawaŋaŋ zetik sambe mge bee nin kapiyet nâmti mge. Keyepmti nin yomaŋ keŋŋ sekŋ mme bekaŋaŋ bembenaŋ e zulutkaputmann delaŋ zeme

kwetetepmanj penanj mamti Kawawanjat etanj nâmann mobotnanj beme egat kandanajak matapmambanup.

² In ningat keñin ewe beme ninmagen ewe kopme mamambanup. Inmagengatnanj am notnanj ekñenanj ningat ekñenanj am belak keñin mamyunğum indeip ma am notnanj bekananj mimiyet zet kelakñanj mimindeme ke metneti mawalelip ma tetim indemti milawalin notnanj makakimtip manzeip. E ilin zet keyet yananj nâmtalip. Wa neñ zet kapi in mtot indendeyet nâmti zet kapi ku zeyap yek. ³ In ninmak notn notn dolakñanj penanj mamanup keyepmti gakiwanup ma ewe alik mambanup beme tususun tazin ke ku etiwe keboñ keyepmti neñ meluwanj ñeñanj kuwan ke wa in mtot indendeyet zetnanj ku kumindawan. ⁴ In Kawawanjalen mulup dolak dolakñanj sambe ke ewe mmebep. E nâmkijpem indeyap keyepmti neñ ingat nâma dolakñanj penanj beme masesewatindeyap in nâgât keññ omba penanj gwatnanj mamimneip. Neñ Zisasiyelen mulupgapm sek sindem omba penanj timkwaban yanğut in naman mme keññ olojen penanj mambein.

⁵ Nin Masedonia msalen meti mulup yanjbemti mbennen kan keyet nin tagoñgo dolakñanj ñen ku aikbenn penanj. Mka sambe mebenn katanj nukñanj sokbemndaye ma am notnanjmak zet mmot mtot omba mbenn ma ndomkusât mme sekñnanj omba penanj makingatan. ⁶ Keyanğut Kawawanj ek an zemkâkât toñanj keyepmti eganj nin zemkâkât minndemti keññ m eleñ belen bemndendeyet nâmti Taitas zempeme ningalen

pien koge. ⁷ Wa egañ ninmagen koge keyet etañ nâmti ku zeyap. In ek gwatnañ zet dundumti naman neñ eyo kot niknikgat keñin temañ matazin keyet ma in nâgât kemberñ manâip ma nukñanen tapma otnânâñinan bandim mamimneip. Keyet zapatnañ kot zeme nâmti neñ ingat oloñen temañ penañ mban.

⁸ Neñ itnañañ meluwañ kumti indawan ke in maiñ nâmti keyet nâme bekañañnik beye yañgut nenn zet kumti indawan keyet nâma bekañañ ku bein. Zetn keyañ in kan isikñañ bugan bukapi keñin mme bekañañ beye keyet nâma nukñañnik beye. ⁹ Yañgut alak kan pigogat neñ ingat nâmti oloñen palen penañ talap wa meluwañ kumti indama ekti nâme ñep ku beye keyet yek. Nâmbekam bembe mbien keyelen yomañ keñin mgilik zeye keyet nâma dolakñañ bein. Zet ke Kawawañañ ikñañ nâme wençe keyet katnanen sokbemindaye. ¹⁰ Amgalen nukñañ sepem keboñ mataindain ke Kawawañañ mamañin mgasik ke mgilik zemti naman egañ mama kanzizitgalen set maaikindain. Keboñ keyepmti nin nâmbekambembe temañ ñen ku maaiknup. Am msalen sambe yomin bamkumpemti keñin ku gilik zemti Kawawañmagen ku mamelip. Ekñañ sambe bee mama mimiñin bekañañ keyañ indaâtâindeme teziñ ñandañ mebep. ¹¹ In nâip, in yom tunguwinan ke sokbeme nukñañ palen mamkwabien ewan naman Kawawañañ mim gilik zeme inmagen mama mimi dolakñañ sambe pigok sokbemindamâge. In yom sokbeye ke mtopepeyet nânâñin kalinañ

penañ matazin. Ma myuᅅguᅅgu notnaᅅ tuᅅguwinan sokbeme sakwep weyaᅅti belaknok tapme amnaᅅ myuᅅguᅅguᅅin ku maegip. Ma myuᅅguᅅgu notnaᅅ mimiyet keᅅin temaᅅ ku matazin ma mineti Kawawaᅅgaleᅅ ᅅenzinziᅅ ninmagen sokbesem zemti egat kiᅅgapeᅅ maip ma nin kot indikmann dolakᅅaᅅ bembeyet nâmti myuᅅguᅅguᅅin sakwep weyaᅅti matalip. Ma mineti myuᅅguᅅgu ewe kwesiᅅ tapme ᅅep ku besem zemti Kawawaᅅgat zikatnaᅅ sakwep maweyaᅅip ma an myuᅅguᅅgu mge e keyegak sakwep myuᅅguᅅguᅅaᅅgat dopmaᅅ mutumsawien keyepmti yaᅅaᅅin keyaᅅ pigok penaᅅ mamsokbemindein ingat tuᅅguwinan myuᅅguᅅguᅅin bugan ku tazin. ¹² Neᅅ eweᅅaᅅ meluwaᅅ kumti indawan ewan an myuᅅguᅅgu mge egat etaᅅ nâmti ku kumindawan ma an ᅅen an kapiyaᅅ myuᅅgumsaye egat etaᅅ nâmti kegogak ku kuwan yek. In Kawawaᅅgat zikatnan ningat tikᅅaᅅin omba penaᅅ matazin keyepmti ingat meluwaᅅ kapi kumti indawan.

¹³ Yaᅅgut neᅅ wan kwep keyet etaᅅ nâmti keᅅᅅ dolakᅅaᅅ ku beye. Taitas inmagen kopme in zemetimemopme mukuleᅅ dolakᅅaᅅ mpeme ekti egaᅅ keᅅaᅅ pemeᅅaᅅ penaᅅ beye keyaᅅ eyo keᅅᅅ mme oloᅅen beye. ¹⁴ Taitasiyaᅅ inmagen kosât mme neᅅ in animbi dolakᅅaᅅ e eweᅅanak dundumti ingat sekᅅin mmoban. Yaᅅ in manepeme egaᅅ kopme neᅅ zapat dunduwan keyet kataᅅ msawien. Nin ingat zet ᅅen nâmti manzenup ke zetnaᅅ kiᅅmaᅅak mambein sepem kegogapmti nin Taitas inmagen kokogat zet zemti keᅅaᅅ mwaᅅ pewenn e penaᅅak msaw-

ien. ¹⁵ Taitas egañ ke kopme in egat nâme mobot-
nañ beme olonji met peme egañ zet notnañ zeme
zetnañ gawepuwien. Yañ alak egañ pien tati
kwitnañ kwitnañ sambe msawien keyet otnâm
meti ingat nâmindeme dolakñañ penañ mambein.
¹⁶ Nin alak pigogat inmak tususunn ewe dolakñañ
sokbein keyepmti neñ ingat olonjen temañ penañ
mimindayap. Mti ewe mama sepem kapigogak
mamobanup e penañ nâmkijpeyap.

8

Pâlañ tewalañ bembeyet zetnañ zemâtâge

¹ Kolin dapmelange notnne, in Kawawañan
Masedonia msalen dapmelange maip ekñen keñ
taolet temañ mimindame ekñenañ Kawawañgat
tewalañ temañ bewien keyet yañañ in weyañ
indikmâtâtâtgat nâmti pigok diindosowap.
² Masedonia dapmelange ekñen nukñañ sambe
sokbemindame keyet palen moti olat olat temañ
mkwabien. Ekñen am bekopsat penañ ke
mambienañgut Kawawañgat tewalañ bembeyet
keñin olonjen temañ penañ tage keyepmti
tewalañ omba penañ bemkwabien. ³ Ekñenañ
Kawawañgat tewalañin bembeyet eyakñin
omba penañ tage. Keyepmti ekñenañ tewalañ
omba penañ bewien elak penañ nâmindeyap.
Wa nâlen zetgat yek ilinañgat keñinañgalak
mmoti omba penañ bewien. ⁴ Ekñenañ nin
nâmindemann Kawawañgalen dapmelange Zudia
msalen olat olat palen mambien ekñen ke
nin nâmindemann ekñenañ eyo indamukulem
mimndendeyet ndapitiliwien. ⁵ Âpme nin

ekņenaņ tewalaņ gesiņaņ isikņaņ kegok bewep e nâmti tatnepemann naman ekņenaņ mmoti omba penaņ mambeip. Ekņenaņ ilin melesin Kawawaņgat betnan beme maindikdamuņ min yaņ bam Amobotnaņaņ ikņaņ nâme weņge keyet katan ningat kegogak gogot minndawien. ⁶ Âpme in eyo Zudia am indamukulem mimiyet Taitasiyaņ kot indamukulem mme yaņbemti sek bandim notnaņ indandayet akuku mulup mmetneti peme muluwinaņ memuņ bemti tage. Mulup dolakņaņ mkwabien ke ewe kot indamukulem mme mimiyet zempewan. ⁷ Kolin am inmagen mama mimi dolakņaņ kapigok wein: In nâmkinpepeņin kaliņaņ tazin inmagen Kawawaņgalen Zet Zapat Dolakņaņ Penaņ zenze an dolakņaņ sambe talip ma in Kawawaņgalen zet ņotekņaņ sambe penaņ nâip ma in am indamukulem mimiyet webembenin temaņ tazin ma in ningat tikņaņin omba penaņ tazin kegok keyepmti in tewalaņ bembeyet eyo otnânâņin temaņ penaņ bemti mamayet nâmti diindoyap.

⁸ Wa neņ in ke sakwep mimiyet ku indapitiliap. Masedonia dapmelange notnne bekakan ekņenaņ tewalaņ bembeyet otnânâņin temaņ penaņ matazin in muluwin ke mbep beme muluwin keyaņ in Zudia am ekņengat gogot mamimindeip ke ilak penaņ mkawaņ bemindawe. ⁹ In nâip, Amobotnaņ Zisas Kilais ek keņ taoletnaņ temaņ penaņ eknup. Ek kwitnaņ kwitnaņ sambe bekapiyet toņaņ yaņgut egaņ ningat mti kuluļunen mundumaņ dolakņaņ e peme tapme toti am nin kabon bekopsat penaņ bemti maņge.

Mti set kegoset egaŋ am nin yomengatnan gilik zemi ndatimti mama kanzizit motitiyet setnaŋ aikndaye.

¹⁰⁻¹¹ Pi nâgât nânânnan zet pigok tazin ke zem-sokbemindama nâit: In nup kan tipman baenak yaŋbemti tewalaŋ mânep akum bembe mulup kapi mimiyyet keŋin puŋpuŋ penaŋ kwapme mk-watneti naman tuŋgupman peme memuŋ bemti tage. In mânep akuku mulup ke alagak yaŋbemti keŋin seŋme oloŋen palen mulup ke mkwabien. Sepem kegosak ewe mmepme aminjine ekŋenaŋ mânep taindain kataŋ bemeti beme delaŋ zewe.

¹² In tewalaŋ mânep ke bembeyet keŋin puŋpuŋ mme keŋ taolet palen taindain kataŋ bewep. Âk penaŋ ku taindawe beme keyet yayaŋ temaŋ ku mbep. Kawawaŋaŋ am sambeyet nânâŋinaŋgat yaŋaŋ maekmâtâpme delaŋ zein.

¹³⁻¹⁴ Wa nin in mânep akumti am bekopsat indamti ilin naman omtimat timat palen mamayet nâmti ku zenup. Alak kan pigogat in mânep polak polak penaŋ taindain keyepmti in am notnaŋ deset olat olat palen tapmelip ekŋen indamukulem mimindewep. Ya naman maneti ekŋenaŋ nimwianŋ wianŋ temaŋ palen tapme in naman kamberŋ sokbemindawe beme naman ekŋenaŋ in kegosak indapmukulem mimindewep. ¹⁵ Kawawaŋgalen Zet Itnaŋanen zet ŋen pigok zenzeŋaŋ tazin,

“Israel am ekŋenaŋ msat tuŋgupman mameti meuŋin mana ke matim nimtemien. Am meti mana omba polak polak maambepeleti timkotemien ekŋen polak polagak ku

taindaye ma am meti mana ilinaŋgat katan
isikŋaŋ bugan timti makotemien ekŋenaŋ
olat olat teman ku mbien.* *(Kisim Bek
16:18)*

¹⁶ Neŋ ingat tunŋuwinan kot mamti mulup
mimiyet keŋŋ teman penaŋ matazin. Sepem
kegogak Kawawaŋaŋ Taitas keŋaŋ m elen beles
beme egaŋ ingat tunŋuwinan mulup kot mimiyet
keŋaŋ teman penaŋ kegogak matazin keyepmti
neŋ Kawawaŋgat wisikŋ penaŋ manzeyap.

¹⁷ Egaŋ in kot indamukulem mimiyet keŋaŋ
teman eweŋanak matazin yaŋ neŋ in kot
indamukulem mimiyet nâmti zempema egaŋ
zetn gawepumti olonjen teman mti inmagen kosât
tapmin. ¹⁸ Neŋ ekmak an notn ŋen kapi mamti
Kawawaŋgalen Zet Zapat Dolakŋaŋ Penaŋ zenze
mulup mme dapmelaŋge ekŋen kapiyetnaŋaŋ
mulup anin ke maegoip an kemak ilisakwep
idema kolup. ¹⁹ An ke dapmelaŋge ekŋenaŋ
egomti zempeme nitmak ke koti in tewalaŋ
mânep bewep ke timti Zudia am met indandayet
zempewien. Mulup kegok mmann Zudia am
ekŋenaŋ nin indamukulem mimiyet keŋin teman
tazin ke ekti Amobotnaŋgat kwizet buŋamaŋ
teman mmobep.

²⁰ Nin in am bekopsat indamukulem mimiyet
tewalaŋ mânep teman ke beme damuŋ mti
mmetnepemann tunŋupman notnaŋ yuŋgume zet
mmot mtot notnaŋ tunŋupman sokbewemagat
weyaŋ eksewanup. ²¹ Amobotnaŋaŋ ikŋaŋ nin

* **8:15:** Meu kwitnaŋ mana zenup kapi msat tunŋupman
Kawawaŋgalen amnaŋ meuyet gakiwaletme meu kapiyaŋ msat
tunŋupman indapelenguye.

an dolakñañ elak mandikmâtâtndein keyepmti nin kwitnañ kwitnañ kapiestet mulupm weyañti mman am ekñañañ kegogak ndikmâtâtâtgat nâmti maminup.

²² Egetmak an notn ñen ewe pema kozin ek ke pieneñ mukulem mulup notnañ mimiyet zempemann egañ ñep etañ mamme eknup keyepmti nin ingat ekñañañ Zudia am nâmkijpepemak ekñañ indamukulem mimindendeyet keñin temañ matazin keyet zapatnañ zema nâmti egañ inmak kot mânep akuku mulup ñep penañ mbep elak penañ nâmkatikbemti pemann kozin. ²³ An ñenañ Taitasiyet yañañ nâsâgât indayañkwesime in nâgât ekmak ilisakwep nin ndamukulem mimiyet mulup mamilup kegok dundume nâmbep. Ma an zut ñen keyet yañidangañ idayañkwesime in pigok zewep, “An zut kapi Kilaisiyelen kwizet buñañañ mpalakñañ bembeyet nâmti dapmelañgine ekñañañ mulup kapi mimiyet zemideme kobun.” Kegok zeme nâmbep. ²⁴ Neñ ingat am dolakñañ zemti dapmelañge ekñañgat tuñguwinan sekñañ mmotindewan keyet katan in an ekñañ keyañ kopme gogot mimindawep. Âpme nin meti dapmelañge notnañ ekñañmagen met zet zemti ingat sekñañ mam moindenup keyet penañañ sosok sokbeme ekmâtâbep.

9

Pâlañ nâmkijpepemak am indamukulem mimiyet mânep akum bembeyet zeye

1-2 In Kawawangalen am Zudia msalen maip ekñen indamukulem mimiyet keñin teman e eweñanak matapme egap. Keyepmti neñ Masedonia dapmelañge ekñengat zikalinan ingat sekñin mmot indemti masesewatindemteman. Âpme am nâmkijpepemak notnne bekakan Gilis msalen maip ekñenañ nup kan tipman baenak yañbemti mânep akum bembeyet mulupmañ mkwabien. Nâip, in Zudia am indamukulem mimiyet keñin teman tapme mamip keyañ am sambe notnañ keñin mamwatindein. ³ Neñ ingat sekñin mmot indemti zet zewan keyet penañañ ku sokbenakmagat in keyet penañañ mânep akuku mulup tapmme an nâmkijpepemak notnne notnañ zemindema kolip ekñen keyañ inmagen kot patañ zemti indamukulem mme in mânep zenzeñañ ke akum beme delañ zeme tapmambep. ⁴ Mneti wan inlak akumti beyo mene zemti neñ Masedonia am notnañ indati nsakwep kotneti indikmann in mânep ñen ku akumti bemberañañ tapme ekti inmak nin nsakwep Masedonia am ekñengat zikalinan sakambuk mbanupmagat in mânep akuku mulup eweñanak mbemti tapmambep. ⁵ Neñ mulup keyet nâma teman penañ beme keyepmti an ekñen ke eweñanak ñeñañ zemindema kolip. Kot indamukulem mme in tewalañ mânep akumti beme mebegat zetik mbien ewan ke tapmme neñ bam koti indikbap. Ke am ilinañgat keñ taolelinañgat penañañ nâmti beip sepem kekok bewe. Wa ningat ekñenañ zeme tapmnup sepem kekok ku bewe.

⁶ Pigok penañ zemâtâpma nâit: An ñenañ

mulupmanj temanj mti alik alik sambe kwitnanj katanj maondein. Ek nimwianj wianjaj omba penanj mamin ma an njenanj mulupmanj belaknik mti alik aliknjanj belaknik maondein beme nimwianj wianjaj belaknik bugan masokbemsain. ⁷ An kwep kwep in ilinanjat nânâjin tazin keyet katanj nâmti keñ taolet palen tewalanj mânep bewep. Wa ningat ekjenanj zeip keyet ma amnanj tabeipgat bene zemti ku bewep. Kawawanjanj am keñ taolet tewalanj mambeip ekjen keyet nâme dolaknjanj mambein. ⁸ Âpme Kawawanjanj am ekjen ke naman kwileki njeniyet maolalip beme e eganj nep omba indamkwatawe. Âpme ekjenanj olat olatpiñ tim nimwianjti mamaip. Mti mulup dolak dolaknjanj notnanj zigoset tapmezin ke mukulem mti mamelip. ⁹ Sepem keogapmti Kawawanjanj Zet Itnanjan keyet kenjan zet nen pigok tazin,

“An njenanj am bekopsat sambe kwitnanj kwitnanj sambe maindamkwatain keñ taoletnanj keboñ ke am njenanj ku kanda pewe.” (*Sam 112:9*)

¹⁰ Am sambe nin bepi Kawawanjanj etanj meu alik maakumndain. Âpme nin msalen pemann eganj iknjanj meu agulam mme penanjjanj sambe sosop sokbemndame matimti nimwianjñup. Eganj in alik alik sambe ke akumti indame in mme sambe penanj masokbemindain. Ke tim nimti notnanj timti Kawawanjanj am notnanj indamukulem mbep. ¹¹ Kawawanjanj in kwitnanj kwitnanj sambe indamkwatame olat olatpiñ mamti in naman am bekopsat notnanj ekjenjat tewalanj akum

beme nin timti met indawanup. Âpme ekņenan ingat keņin dolakņan beme Kawawaņgat wisikņ zemti kwizet buņamaņ mwabep. ¹² In mulup kekok mti Kawawaņgalen am sambe Zudia msalen maip ekņen ke indamukulem mimindeme mama mimiņin dolakņan keyan am sambe keņin mwapme sambe penanņ koti Kawawaņgat wisikņ zewep. ¹³ In am nâmkijpepemak bekopsat Zudia maip ma am keboņak msat notnanen indamukulem mmepme ekņenan in tewalaņ mimindamebep. Keyet oloņen temaņ mimindewep mti in Kilaisiyelen zet zapat dolakņanņ manzein keyet katan tati muluwin ke mme ekņenan keyet eyo nâmti Kawawaņgat kwizet buņamaņ mwabep. ¹⁴ In sepem kekok mme am ekņenan ingat tikņanin omba penan tapme Kawawaņan in indamukulem mimindendeyet dundum sawep. Set dolakņan kapi Kawawaņan ikņan keņ taoletnaņ omba penan tasaingapmti weyaņ zikat indayeen ke mamip. ¹⁵ Kawawaņan ikņan msalen am nin ikņanņat Nemuaņ Kilais gogot penan mampein mee piwan ningat tewalaņ temaņ ndame egaņ toti ndamukulem mge keyepmti egat wisikņ zempene.

10

Pâl Kawawaņan mulup zet sasaņan keyet yaņan zemâtâzin

¹ Alak neņ nanaņgat mmanaņgat zapatnaņ pigok diindoma nâit: In nâgât pigok manzeip,

“Egañ ninmak kapi matazin beme egañ mtop-mamti zet sewakñañ mandinndoin. Ya naman met beñañ main kan keyet egañ naman nin papia tipkwasisi zet notñañ makumndain.” Yañgut neñ Kilaisiyañ ikñañ mtot mamti zet sewakñañ mandiindomtan set sepem kegogak mimiyet keññ temañ matazin. ² Sepem kegogapmti neñ inmagen kobap kan keyet in keññ ku walabep. Mneti peme neñ in sambe keyet zet tipkwasisi zet zema keyañ ñep ku bewe. Âpme am ningat ekñañañ msat kapiyelen mama mimi mgasik mâti maip manzeip ekñañ kemagengut zet ñenzinziñ mimindawap. ³ Nin msat palen am bekañañ ekñañ kapiyet tunjuwinan e penañ mamakup. Yañgut nin wa msat kapiyelen timbi sâk ke timti an ku maânup. ⁴ Nin timbi sâk timti an maânup ke wan am bekañañ msat palen mamti maâip ekñañ keyelen timbi sâk sepem keboñ yek. Nin Kawawañmagen timbi sâk winderamber penañ ke timti an winderamber penañ Sadañ egalen mka ñande temañ maindelemâkunup. ⁵ Nin timbi sâk ke timtati nin am zet dâsuki mmot mtot mti Kawawañgalen nânâñañ ke mtopepeyet mulupmañ mamip keyelen winderañ mtopemti am ekñañ ke ñoktikñañ mgilik zemann Kilaisiyañ ñoktik mimiyet manâin ke etañ mti mamayet mamkup. ⁶ In zetn kapi gawepumti mulup mme nin keyet sakñañ ektatingut nin am ningalen zet ku mañgawepup ekñañ ke zet muluwen indendeyet kalem mbanup.

⁷ In mulupm mamiap keyet penañañ ekti yaññ nâmâtâtnembep. An ñenañ nâgâegañ Kilaisiye-

len mulup an penaŋ mamain kekok nânmembe beme an keyaŋ neŋ Kilaisiyelen mulup an penaŋ mayap elak penaŋ nâmâtâtnembe. ⁸ In neŋ nikme neŋ Amobotnaŋaŋ mulupgat winde naŋge keyet sekiŋ omba penaŋ mammolapnok penaŋ bein beme ke wa in mtot indendeyet ku mamiap. In indamukulem mimiyet kekok mamiap keyepmti neŋ keyet nâma sakambuknaŋmak ku bein. ⁹ Keyepmti neŋ ingat papia sambe kumti indawan ke wa in sekiŋin mma kiŋgagagat nâmti ku kuwan. ¹⁰ Am notnaŋaŋ nâgât pigok manzeip, “Pâlaŋ beŋan met mamti papiaŋanen zetnaŋ nuknaŋ ma tipkwasisi zet makum ndain ya naman pien ninmak kot mame ekmann an sâlâgâgâtnaŋ bugan zetnaŋ mee zeme nâmann winderŋepiŋ mambein.” ¹¹ Am nâgât zet kekok manzeip ekŋen keyaŋ pigok nâmbep, neŋ beŋan met mamti papia makum indayap ma soknaŋ inmak mamti zet mandiindoyap kemak sepemit igak igak ŋen ku belup.

¹² Wa nin am belak am nânâŋinpiŋ ilinaŋgat mamaŋin bem ekti neŋ an keboŋ geŋ an keboŋ mti mamaip ekŋen keboŋ yek. Am ekŋen keyaŋ ilinaŋgat ziŋin notnaŋ ilinak bempemti ke ekti keyet kataŋ neŋ keboŋ ek keboŋ mamip. ¹³ Yaŋgut nin wa Kawawaŋaŋ winde ndame mulup mamnup keyet nâmti nnaŋgat sekiŋ ku mam motnup. Kawawaŋaŋ ikŋaŋ nin mulup mimiyet gesiŋaŋ bemndaye ke inmagen mulup eyo mimiyet nâmti bempeye. ¹⁴ Keyepmti nin Kilaisiyelen Zet Zapat Dolaknaŋ Penaŋ inmagen kot ŋeŋaŋ yaŋbemti zewenn. Wa nin mulupm-

naŋgat geŋaŋ bemndenderaŋ ke sebempemti belak mulup kilom ku mammetnup. ¹⁵ Wa nin mulup an maŋge ŋenaŋ inmagen mulup mimiŋaŋaŋ nin keyak sakwalam mti kwizet buŋam temaŋ titiyet nâmti ku mbenn. Nin Kawawaŋaŋ mulupm mimiyet geŋaŋ inmagen bemndeye keyepmti nin mulup mmann in Kilaismagen nâmkinpepeŋin kaliŋaŋ bewe ma mulupmnaŋ inmagen palakŋaŋ bemti omba mekobe e nâmkatik bemti mulup ke inmagen yaŋbemti mbenn. ¹⁶ Inmagen mulupmnaŋgat penaŋaŋ kekok sokbeme ektiŋgut nin naman mulup msat beŋan notnanen am ŋenaŋ mulup ku mimiŋan nnaŋgat met yaŋbemti keyet nâmti sekŋ ŋep mmobanup.

¹⁷ Kawawaŋgalen Zet Itnaŋaŋ keyet keŋan zet ŋen pigok tazin,

“An ŋenaŋ ikŋaŋgat sekŋaŋ mmosât nâmbे beme egaŋ Amobotnaŋaŋ mulup ekmagen mge keyet nâmti sekŋaŋ ŋep mmobe.” (*Zelemaia 9:24*)

¹⁸ An ŋenaŋ mulup ikŋaŋ mbe keyet nâmti ikŋaŋgat zemsesewabe beme Amobotnaŋmagen ŋep ku bewe. Âk Amobotnaŋgat zemsese-watpewe beme Amobotnaŋaŋ an keyet nâme dolakŋaŋ penaŋ bewe.

11

Pâlmak ombemindenderaŋ dâsuki ekŋengalen zet

¹ In buzak tati nâme neŋ zetn ewe tusumti pigok zema nâit: neŋ nânâ kwitnaŋ kwitnaŋ

kenjnenan tapme manzeyap ke in ekme am seon ekjenan manzeip sepem kegoknok mambein. ² Kawawan egan ingat eyak penan mamimindain. Neñ ingat sepem kegogak penan mamimindeyap. In imbi nembip dolaknan penan neñ in awin Kilais ek kwewetan ke wawagat ombemindewan. ³ Mneti an nenan nânâ sepeman igak nen zikat indame ñoktiknin yungume Kilais bankumpewepmagen zemti sekñ omba penan manzin. In nâip Sadañan zet dâsuki zemti Ewa ñoktiknan myungume egan walege in sepem kegok mbepmagat eksewep. ⁴ In am notnanan inimagen koti Zisasiyet yanñan nin mandiindonup e tapme nan sepeman igak nen mandiindoip ma Emetak Ten e tapme naman emetak sepeman igak nen main ma Kawawan galen Zet Zapat Dolaknan Penan nin diindondonan e tapme nan sepeman igagen diindome in ekñengalen zelin ke sakwep nâmti keyet nâme penan beme manğawepup kebonğapmti neñ igat yayan penan miyap.

⁵ Neñ nâma in am ombemindendenanñine dolaknan penan mandiindoip ekñen keyan neñ seabem nemti gwaen ku talip bein. ⁶ Neñ Kawawan galen Zet Zapat Dolaknan Penan zenzenan dolaknan penan ku masokbemkawan beme egip mene yangut neñ zet keyet yanñan ñep nâmâtâpma delan zein. Keyet yanñan notne notnanmak nin set sambe mamimkwatnup keyan nânân teman ke msokbeme manndikmâtâkwalip ke.

⁷ Neñ in mwat indendeyet nâmti nanangat nâma tototnan beme kandaninan mamti Kawawan galen Zet Zapat Dolaknan Penan zenze

mulup mkwaban. Kan keyet neŋ in mulupm keyet tosaŋaŋ nanayet ku indayaŋkwesiwan. Wa neŋ set ke ku myuŋguwan. ⁸ Neŋ ingat tuŋguwinan mamti ingat mulup mma dapmelange notnaŋ ekŋenaŋ etaŋ mânewan nabandim mneme mamti mulup mban. Ekŋenmagen mânep milawat belak kaim timti inmagen pien mulup mban. ⁹ Neŋ ingat tuŋguwinan ke mamti kan notnaŋgat mânepgat olati keyaŋgut ingat ŋen ku indayaŋkwesimti nâmban. Ekŋen Masedonia dapmelange notnne bekakan ekŋenaŋ kwitnaŋ kwitnaŋgat maolateman ke timti kot manamtemien. Neŋ eweŋan mulup inmagen yaŋbemi mkwaban kan keyet ingat palen nukŋaŋ ŋen ku pema moge yaŋ ewe mulup mmobap keyet nukŋaŋ ŋen ewe ku indawap. ¹⁰ Kilaisiyaŋ zet penaŋ penaŋak manzemtan. Neŋ sepem kegogak zemti Kawawaŋgalen Zet Zapat Dolakŋaŋ Penaŋ zenze mulup inmagen tosaŋepiŋ mamiyap keyepmti sekŋ ŋep mmobap. Âpme Akaia mkaengatanŋ an ŋenaŋ ku bekek nembe. ¹¹ Neŋ yaŋaŋ eneyet zet ke zeyap ke nâit. Wa neŋ zet kapi ingat wisat mimindemti ku zeyap. Neŋ ingat gogotn teman penaŋ tazin ke Kawawaŋgat zikatnan zeyap.

¹² Neŋ mulupm sakam kegogak ewe mmoti ombemindendaŋ belakŋaŋ notnaŋ tosayet etaŋ nâmti muluwin mmambe nin Pâl mee ekŋenaŋ mulup mamip sakam kegogak maminup zegwem kegok zemti belak sek mmobot zet etaŋ mamip ekŋen keyelen selin bekekme olabep. ¹³ Am ekŋen ke wan Kilaisiyelen

ombemindendenəŋ penəŋ yek. Ekŋen ke belakŋəŋ penəŋ. Ekŋenəŋ muluwın dāsuki keŋok mti nin Kilaisiyelen ombemindendenəŋəŋane penəŋ manup zemti am dāsuki matetimindeip. ¹⁴⁻¹⁵ Sepem keŋok tapmimyungume neŋ keyet keŋŋ ku mawazin. Sadaŋəŋ ikŋəŋ eyo sepemaŋ asekti Kawawaŋgalen ensel saŋga soŋgaŋəŋmak keboŋ mambein. Keyepmti Sadaŋgalen mulup anene ekŋenəŋ asekti naman Kawawaŋgalen mulup an penəŋ nin nembonək mambeip beme neŋ keyet nāma kwileki ŋen mamanamaŋ ku mambein. Maneti bam kan temanen an ekŋen ke muluwın bekaŋəŋ mamip keyet tosaŋəŋ esemteŋ bekaŋəŋək timābep.

Pālaŋ ombemindendenəŋ mulup mti nukŋəŋ omba tiye

¹⁶ Neŋ zet ewe ikŋəŋ keyegak sakwalamti zema nāit, an ŋenəŋ nāgāt an seoŋ keŋok ku dinowe. In nāgāt nāmname am seoŋ ekŋen kemak tusumti mamain keŋok manāmnep. Neŋ ekŋenmak mambak ze neŋ mulup ekŋenəŋ mamip sepem keŋogak mti keyet nāmti sekŋ belaknik ŋep mmobak. ¹⁷ E penəŋ. Neŋ zet tazeyap kabon kapi Amobotnaŋəŋ nāme dolakŋəŋ ku bein. Sek mmobot zet kapi e penəŋ am nānāŋinpiŋ ekŋenəŋ zelin kok zemti mamaip. ¹⁸ Am sambe penəŋəŋ kwitnaŋ kwitnaŋ mammelip keyet nāmti sekŋin mamimmopme indigap. Neŋ ekŋenmak mambagen sepem keŋogak ŋep mbak. ¹⁹ Kolin dapmelange in ilinaŋgat nāme nānāŋin temaŋ mambein keyet mti in am myungunguŋin temaŋ keboŋ ke nāmindeme mamti inmak zapat mamip. ²⁰ In

am ekñen kebonj ke nâmindeme kot indadamun mti tetimindemti kwitnañ kwitnañin maomen-zeñtip. Mti ingat nâme tototnañ beme belak bepalaksat maindoip. ²¹ Neñ in sepem kekok mimindandayet windenañ ku mamiyap kekok mimindandayet nâma sakambuk mambein. Am ñenañ mulup kwileki ñen mti keyet sekñañ mam mozin. Neñ sepem kekokak ñep mbak neñ zet ke setnañ e nâmtiñgut belak kileñ ke okpema kwazin.

²² Am ekñen keyañ ilinañgat sekñin mmoti pigok manzeip, “Nin Ibulu am wa pimak, ma nin Islael am wa pimak Kawawañañ ikñañ ikñañgat zapat ndaombemndeye.” Ma naman pigok manzeip, “Nin Abalaamgat iñsokñane wa pimak.” Ekñenañ zet sambe manzemelip beke neñ kekokak tatnain. ²³ Ekñenañ nin Kilaisiyelen mulup mnup zemti mamimyunguip keyepmti neñ zet kapi ñenzinziñ palenok kilom ke zeyap. Ekñenañ nin Kilaisiyelen mulup an manup e ñep manzeip yanğut neñ Kilaisiyelen mulup an penañ mamti ekñen bugan sebemindemti

Kilaisiyelen mulup pi belak omba penañ pusi-
nañ seksak mammelap.

Âpme keyet mti am notnañañ ñeñin zime nati
mka katikñan kan sambe met maneip
ma am notnañañ sindiwanj nawitikme sekñ pi
buyuk beyak mapein.

Kekok mme neñ kan sambe penañ gakikiyelen
bududuk penañ mamiyap.

²⁴ Sek 5 bepi Zuda am ekñenañ sindiwanj naw-
itikme kwep nonoñañgat sindip makuma 39,
39, 39 kapi manawitikwatemien.

25 Sindiwan miset tuk kapi sek sambe naw-
itikne nawitikne peme sipsip timti wemban.
Kan njeniyet nanzaŋaŋ nom kune kune peme
wemban.

Sek tuk pi waŋgaen moti nembu sutnan daen
mepma waŋgayaŋ bekaŋaŋ bemti towepme
nembuyen waleletgalen bududuk mban.

Mise njen tambumbu kwep msasa kwep pi
waŋga bekaŋaŋ bemti towepme tep pemaŋ
ambeti tu palen etaŋ ke manepema toge.

26 Kan sambe penaŋ neŋ Kilaisiyelen mulupgat
set teepmaŋ penaŋ tokwati mamamteman.

Kan notnaŋgat map tuŋgwawam kwati
napmesât mamtan.

Kan notnaŋgat an kambu titi ekŋenaŋ
milawatn kambu tisât tati nopeme kileŋ
mawemteman.

Nanaŋgat maŋgenne penaŋ Israeŋ ekŋenaŋ ilin
ma am belakŋaŋ notnaŋ ekŋenaŋ nomkume
gakisât penaŋ mamkwateman.

Mka ŋande temaŋ notnanen mepma nome
gakikiyet nâmti am sambeyaŋ manabembu-
luŋtemien.

Msat tuŋgupman maneti tu meuyet mti gak-
isâgât bududuk mamteman.

Waŋgaen moti manepema nembu mamaŋ
temaŋ kumti manawaletan.

Am notnaŋ ekŋenaŋ, “Nin Kilais nâmkijpenup
keyet mti nin gâgât nodi,” zemti nate-
tim nemti nati met kasa ekŋengalen belen
mambemnemtemien.

27 Tambu misa sek sindem sambe tipeŋ ma-
mamteman

ma tambu misa pi Kilaisiyelen mulupgat yayan
teman mti muluk mee dolakñan ku maweyan
wemteman

ma kan sambe pi mka ma sanğum
kâlâpingapmti tâgâyet diñdiñ mamteman.

²⁸ Wa zema nâip ke etan yek. Kan sambe penan
dapmelañge sambe ñep talip ma yek zemti
keññ yayan teman mambein.

²⁹ Am nâmkijpepemak ñenan nukñan ñen aikme
neñ keğogak nukñan matiyap. Ya naman ñenan
yom mme neñ an keyet mti nukñan teman
matiyap.

³⁰ Neñ sekñ mmobogat nâmbak beme neñ
Kawawañan nukñanen napmukulem mme
mamayap keyet nâmti ñep sekñ mmobak. ³¹ Neñ
Amobotnan Zisasiyet Bipman Kawawañ an
kwizet buñaman mene mene mamimwalip
egat zikatnan neñ zet ekñen ke penan zeyap.

³² Neñ Damaskas mkaen meti mamban kan
keyet amobotnan Alatas egañ amobotnanan
ñen peme Damaskas mkaen mamamtan keyan
kasa kuku an notnan indeme ekñenan met mka
set bimañ sambe bee nâgât egañ mesât kopme
ekti atamti met mka katikñan pesenup zemti
dombemti tapmebien.

³³ Âpme am notne
notnan ekñenan zapat ke nâmti buzakset nati
met kimbat solonan tati suasembe keñan naweti
mka kimbat enzuñaset tek tim tapme ululuñ
piyan zupman baen toti keeselak buzak kunzuñti
meban.

12

Kie kienok Kawawañan Pâl kwileki ñen zikat

same ege

1 Neŋ nananŋat sekŋ mmoti keyet nâma ŋep penaŋ ku mambein. Neŋ kekok mimiyet nâma ŋep benak beme neŋ Amobotnaŋan kie kienok kwitnaŋ kwitnaŋ enzililiŋan tazin ke zikat name ekbak keyet nâmti sekŋ ŋep mmobak. ²⁻³ Neŋ nup kan 14 tipman penaŋ kaimŋat Kilaisiyaŋ nati kululuŋen mundum dolakŋan penaŋ keyet keŋan natetim mopme ekban e nâyap yaŋgut ke pe sekŋ melesiŋ napmopme ekban ma belak kie kienok etaŋ zikat name ekban ke weyaŋ ku nâmâtâlap Kawawaŋan ikŋanŋut nân. ⁴ Âpme neŋ ke totati neŋ zet mamananan penaŋ nâmban. Msalen pien am zet ŋande igak igak manzemetnup sepem keboŋ yek igagen keyepmti neŋ ŋep ku zenzeyet ma msalen am zet ke zenâ zenâ mimiyet zemkuluŋ neneŋan. ⁵ Ma neŋ kwitnaŋ kwitnaŋ dolakŋan penaŋ kululuŋen gwaen ekmâban keyet nâmti sek mmobot zet ŋep zewak. Yaŋgut neŋ keyet nâmti sekŋ ku mamimolap. Neŋ nukŋanen met tapma Kawawaŋan manapmukulem mnein keyet nâmtiŋgut sekŋ mamimolap. ⁶ Neŋ zet penaŋ zeyapŋapmti neŋ nananŋat kwitn mmolap beme neŋ am seonŋ yek. Neŋ an ŋenaŋ nâmneme mobotnaŋ ku bewap. Egaŋ nâlen mama mimi ekti neŋ zet zeyap kapi nâwe. Kok keyet nâme ŋep teŋ beweyeyepmti neŋ nananŋat kwitn ku mmobap yek.

⁷ Neŋ ekma Kawawaŋan kwitnaŋ kwitnaŋ dolakŋan zikat naŋge. Keyet neŋ nananŋat sekŋ ku mmolap Kawawaŋan Sadaŋ nâmpeme zawat nukŋan sekŋnanen bem neŋge. ⁸ Miset tuk kapi

Amobotnanaŋ iŋnaŋ nuknaŋ sambe bekapi menzempeme mebegaŋ dunduwan. ⁹ Yanŋut egaŋ neŋ dundundu nnaŋgaŋ dopmaŋ pigok gilik zemti nange, “Geŋ kwitnaŋ kwitnaŋ maolat temanen elak keŋ taolet nnaŋgapmti elak maŋgamâpma delaŋ zemâzin. Geŋ sek suknaŋ suknaŋ palen mamanigen nâgât windennaŋ geŋmagen ewe windenaŋbeŋ matazin.” Kegok dinoyeyepmti neŋ suknaŋ palen mama Kilaisiyaŋ manadamuŋ mimnein keyet windenaŋ temaŋ tapme Kilaisiyelen winde keyaŋ nabembuluŋti nadamuŋ mme mamayaŋ keyet oloŋen mti sekŋ omba ŋep mmobap. ¹⁰ Neŋ Kilaisiyet tiknaŋŋ omba penaŋ tazin keyepmti egaŋ kwizet buŋamaŋ mpalaknaŋ bema keyepmti amnaŋ sisipeŋpeŋ mnamti mene mene nom kupenaŋ mme neŋ nuknaŋ sambe bee timtati tima duknaŋ mopme sebe sugak sugak palen temama Kilaisiyaŋ iŋnaŋ gwatnaŋ mneme egalen windeen katiknaŋ bemti matalap.

Pâlaŋ Kolin am nâmkinaŋpepemak eŋŋengat yayaŋ temaŋ mimindeye

¹¹ In papia kumti nâgât sekŋ ku mmobien. In kekok mme neŋ nanaŋgaŋ yaŋŋ kuwan keyepmti ingat tuŋguwinaŋgaŋnaŋ am notnaŋ eŋŋenaŋ nâgât nâme an seŋ ŋenok mban kekok mambein. Neŋ an tototnaŋ mambak ze in ombemindenenaŋŋine dolaknaŋ manzeip eŋŋengat kandaŋinaŋ baen penaŋ ku mambak. ¹² Neŋ eweŋan inmak kot mamban kan keyet neŋ Kilaisiyelen ombemindendenaŋ mamayaŋ elak eweŋanak ke zemkawaŋ bemti indama nâmbien. Âpme ingat tuŋguwinan sewak sewak palen mamti menok

sepem igak igak mti Kawawaŋgalen mulup sepe-
man igak igak bepi mmepma in ekti maâtâtâlip.
13 Neŋ dapmelange notnaŋ ekŋen dolakŋaŋ
maidadamuŋ mmelap. Sepem kegogak in in-
dadamuŋ dolakŋaŋ mimkwaban. Mti mulup
sambe notnaŋ bee mkwaban yaŋgut kwitnaŋ
kwitnaŋgat olat olat mti in ke napmukulem
mimiyet kwep kegut ku indayaŋkwesiwan. In
keyet nâme neŋ ke myuŋguwan beme in yomm
ke katikpewep.

14 Neŋ inmagen sek zut pilak koban. Yaŋ
pi ewe naman kot indiksât tapmiyap in nâgât
yayaŋ mti mânewin kileŋ ku time mebe. Neŋ
inmagen mulup met mimiyet tikŋaŋŋ omba
penaŋ matazin keyepmti kobap wa in mânep
nanayet nâmti yek. Nemba isikŋaŋ ŋenaŋ
mamaŋ bipmaŋ ku maidadamuŋ min. Nemba
mamaŋ bipmaŋaŋgut nemba maidadamuŋ
mip. 15 Neŋ ingat gogotn omba penaŋ matazin
keyepmti neŋ mânepm mee tima mepme in
indamukulem mimiyet nâma oloŋenaŋmak beme
mulup mamiyap. Keboŋ mma in naman nâgât
gogolin belaknik bugan matazin mene?

16 In nâgât yaŋŋ ŋep nâmâtâtâlip neŋ in nukŋaŋ
ŋen ku indawan. Keyaŋgut am notnaŋ ekŋenaŋ
nâgât pigok manzeip, “Setnaŋ mee e ikŋaŋ ŋep
kwitimi kobe. Yaŋgut pien kot mamti nin tetimn-
demi ŋoktikŋ mme yuŋgume mânepm mee tiwe.”

17 In nâgât nâme neŋ an notnaŋ zemindema
koti ingat zeme in mânep indame ekŋenaŋ
mti kot name makwitim niap kegok mambein.

18 Neŋ Taitas inmagen kokogat yaŋkwesim nâma

egañ ñep zeme nâmti ekmak notnne notnañ zemindema kobien. In nâme neñ an ekñen ke zemindema koti in zet kelakñañ mimindamti mânewin mee zemtinti kot nanayet zemindewan kekok bein ma? Ekñenmak neñ nsakwep mulup yañañ kwep mimiyet mamnup ma mama mimi dolakñañ sambe bee mmâbenn.

¹⁹ Nin zet sambe mandiindom kwatnup bee in nâme nin ingat zikalinan kwetetepmañ mamayet nâmti etañ manzenup kekok mambein ma? E yek penañ. Nin Kilaisiyañ zet sepem kekok zemti Kawawañgat zikatnan mamayet nâmndeye keyepmti notnne dolakñañ in pigok nâmbep. Nin kwitnañ kwitnañ sambe mam mann egip bee in indamukulem mimiyet etañ nâmti mamnup.

²⁰ Mneti neñ ingat sepemin nâmban e ñen tapme in mama mimi bekanañ sambe mti mdândândâ palen ma kwitnañ kwitnañ bekanañ mimiyet eyak ma ñenzinziñ palen ma kwitnañ kwitnañ ilinañgat etañ time kwaopme nimwianñti mama ma lowek zet ma zeok zet ma sek mmoti mama kekok mti dapmelañgeyelen set pi kumasekme delañ zeme mame neñ kot indikti endilipemti naman in nâgât nâmbien e tapme neñ asekti sepem ñen tapma nikbepmagengat eweñanak ek-semti mambep. ²¹ Ingat tunñguwinañgatnañ am notnañ ekñañañ mama mimi okbi okbiñañmak sambe penañ pigok mbien. An imbi set kilenñ mama ma mama mimi bekanañ mimiyet sebelañ dindinñ mimi ma nolinañgat imbiñañ menzem wawat set sepem kekok mti ekñañañ keñin gilik zemti kwitnañ kwitnañ bekanañ sambe ke bamkumpepepiñ mbien. Yom temañ kekok ke

mkwabien keyepmti maneti neŋ kan ŋeniyet indiksât kotneti indikma in ewe yomenagak tapme indikti Kawawaŋgat ŋeŋzimosetnaŋ sakambuk temaŋ mti ingat tunŋuwinan si temaŋ suma ŋep ku bewemagen zemti kiŋgalap.

13

Pâlaŋ eksese zet notnaŋ zeye

¹ Pi neŋ inmagen kopma sek tuk ilak besâpm. Âpme Kawawaŋgalen Zet Itnaŋaŋ keyet keŋan zet ŋen pigok tazin,

“An zut ma tuk ekŋenaŋ an ŋeniyet myuŋguŋguŋaŋ ŋen ekti zewep beme an ke ŋep wati zet muluwen met pewep.”
(*Zii Zet 19:15*)

² Neŋ inmak mamban kan keyet am yommak mambien in yomin zemkawaŋ bemti mamayet ma am notnaŋ in mamaŋin weyaŋ ektitim mamayet eksese zet diindowan. Ya alak pi naman zapat meluwaŋ kapiyet keŋan in sambeyet temakwep eksese zet ewe kumti indayap. Kan neŋ kobap keyet am yomin mbien ke ewe zemkawaŋ bambepiŋ bambep beme ekŋen ke zet muluwen katikŋaŋ penaŋ onzemindema tabep. Neŋ ekŋengat kemberŋ ku mbap. ³ In nâgât pe Kilaisiyelen ombemindendaŋ penaŋ main ma yek manâmneip keyepmti neŋ inmagen koti am yominmak ke zet muluwen indesât zewan ke indema in Kilaisiyaŋ neŋmak tapme mulup mamiap keyet yaŋaŋ ŋep nikmâtâtnebbep. Wa Kilaisiyaŋ ingat mulup poptep poptep bugan ku mamin egaŋ inmagen mulup windenjambeŋak

mamin. ⁴ Egan ewenən msalen pien manepeme atamti tewen kumasasokpewien. Kan keyet penan windeyet timmage yangut Kawawangalen windeyan mme gilik zemti wati main. Ape am nin met ekmak tusumti manup nin penan windennpij mamanup. Yangut nin ekmak tapmann Kawawangalen windeyan ninmak tapme nin egalen winde kemak tati ingat zelin nep zemusuwet indewanup.

⁵ In am namkinpepeninmak ma belak mamaip e in ilinangot otnanainan baen kwalimti egit. In Kilais Zisas ingat kejinan baen matazin ke in ku manammatapeip ma? Ku weyan nain beme Kilaisian ingat kejinan ku matazin elak sosok sokbemkawanbewe. ⁶ Nejan in ningat namdeme Kilais penan namkinpenti mamanup mambein elak penan namkatikbemindeyap. ⁷ In ningat ekjen ombemindenderan penan yek e nep manamndeip yangut in Kilaisiyelen mama mimi dolakan ke mati mambe beme in ningat Kilaisiyelen ombemindenderan penan elak nep namdewep. Nin in Kawawan indamukulem mme yom nen mimipij mamti mama mimi dolakan Kawawan nantiknan main ke etan mti mamayet namti mandundum sanup. ⁸ Nin Kawawangalen Zet Zapat Dolakan Penan kapi winderan kumann totogat mulupman nen ku mbenn. Elak ilin nep namatatndeip. Nin Kawawangalen Zet Zapat Dolakan Penan kapi mukulem mmann msat sambe palakan mebegat mulupman etan mamnup. ⁹ In nangat an tototan bugan e nep mandinoip wa nen keyet nama

bekanaŋ ku bein. Âpme in ŋepgat windeninben ke mambep. Yanŋut nin in Kawawaŋaŋ indamukulem mme nâmkĩpepeen kaliŋaŋ penanŋ bemti mamayet nâmti Amobotnaŋgat mene mene mandundum sanup. ¹⁰ Neŋ Amobotnaŋaŋ in gwatnaŋ mimindendeyet nâmti neŋ winde nanŋe wa ke in memendep mimindamti indawalet indendeyet yek keyepmti neŋ beŋan pien mamti in papia kapi eweŋanak kumti indayap. Ke ekti in eweŋanak weyeyaŋ mulup mimiyet nâmti bema kozin. Mneti neŋ koti winde keyaŋ naman mtoidema ŋep ku bewemagen zemti meluwaŋ kapi kumti indayap.

Pâlaŋ notnane mukumindeye

¹¹ Notnne, neŋ zetn pigok zemdelanŋ zema nâit: In Kilaismak maip keyepmti tuŋguwinan oloŋen palen mama mimi keyaŋ weme nâmkĩpepeen katikŋaŋ bemti mambep. In nâlen zet zeyap kapi gawepume delanŋ zemâbe. In ŋoktikŋin ma nânânjin kwep bemti sewakŋaŋ palen mambep. Mme Kawawaŋ an gogot toŋaŋ ma an sewakŋaŋ toŋaŋ egaŋ ingat tuŋguwinan mambe.

¹² In Amobotnaŋmak maip keyepmti in ilinak dopmaŋ mukulem dopmaŋ mukulem mti bet butem aiwep. ¹³ Am nâmkĩpepemak pien manup nin in indamukumindenup.

¹⁴ Neŋ Amobotnaŋ Zisas Kilaisiyelen keŋ taolet ma Kawawaŋgalen gogot keyet keŋan tapme Emetak Teŋaŋ pende zamindeme in ilinak notn notn mti oloŋen palenak mamayet nâmti mandunduyap.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 21 Feb 2024 from source files dated 31 Aug 2023

ea68a902-358a-5c72-82de-a583fc4809e7